



9. marts 2012

UPA 2012/87

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuna saqqummiuppara:

Illuutillit piginneqatigiillutilluunniit illuuteqartut imaaliillaannaq katsorsarneqarsinnaanngitsumik tassannaannartumik napparsimalernermik akilersuutiminnik ikiorneqarsinnaanermik periuarfissinneqarsinnaasunngorlugit pisortanit ikiorsiissutit pillugit Inatsisartut peqqussutaata nr. 15, 20. november 2006-imeersup allanngortinneqarnissaanik Naalackersuisut peqquneqarnissaanik Inatsisartut aalajangiiffigisassaatus siunnersuut.
(Inatsisartunut ilaasortaq Malik Berthelsen, Siumut)

Tunngavilersuut:

Puigunngisaannassavarput kinaluunniit nappaammik imaasiillaannaq katsorsarneqarsinnaanngitsumik eqqugaasinnaammat, apeqqutaanani ilinniagartuujunersoq, ilinniarsimanngitsuunersoq, inissiamik attartortuunjeq namminerisamilluunniit pigisamik najugaqartuunersoq. Aap, qanorluunniimmi peqqinniartigaluaruttaluunniit aamma eqqugaasinnaavugut aammami ajoraluartumik eqqugaasoqartarpoq. Soorunami, tamattami inuinnanngukkuluugatta.

Qujanaqisumillu nappaammik taamaattumik eqqorneqarsimatilluta katsorsarneqarnissatsinnut allatigullu Pisortaniit akiliunneqartarlutalu ikiorneqartarpugut.

Kisianni namminerisamik piginneqatigiilluniluunniit najuqarluni nappaammik imaasiillaannaq katsorsarneqarsinnaanngitsumik nappaateqalersimaneq, assersuutigalugu kræfteqarlersimaneq, pisutigalugu sulisinnaajunnaarallarnermi najugarisamat akilersuinissamat ullumikkut peqqussut atuuttoq malillugu pisortaniit ikiorneqarnissamat periarfissaqanngilaq. Periarfissatuarivaat aningaaserivimmi atukkamik qaavatigut atorniaqqinnissamik misiliinissaq.

Tamanna apeqqutinnut Naalackersuisut ulloq 10.januar 2011 akissutaani uppernarsarneqarpoq, imatut akimmata, **”Innuttaasoq, piginneqatigiilluni illuutileqatigiinni imaluunniit nammineq pigisamini inigisaqaruni ineqarnerminut akiligassanut matussutissanik aningaaserivimmut atorniarqarpoq, aaliangersimasumik aningaasartuutitut pisortanit ikiorsiissutaasinnaasut qaavatigut ineqarnermut akiligassanut. Ikiorsiissutit taamaattut pisortanit utertitassanngorlugit ikiorsiissutaasinnaanngillat”.**

Kialluunniit aningaaseriviit ingerlatsinerannut ilisimasaqalaartut nalunngilaat aningaasat atukkamik qaavatigut aamma allanik imaasiillaannaq atorniarniarqarsinnaanngitsoq, ingammik qaammatini arlalinni sulisinnaajunnaarallarsimagaanni taarsigassarseqqissinnaaneq ilimagineqarsinnaanngilaq.

Taamatut napparsimasunut innuttaasut ilaannut taamatut inatsisitigut atugassaqartitsinerput kangusuutigisariaqarparput.

Inummi napparsimasoq nappaammik aninguinissaminik sorsuuteqartoq sulii allamik qaavatigut naalliuutissaanik tuneqqinnarsinnaanngilarput, oqarfigalugu, aningaaserivimmut atorniarniarit!

Nunarput nunat piitsut allat assigalugit ima piitsuutigisimagaluarpat allaat napparsimasortatsinnut ikiuinissaminut akissaqarani, aap, taava paasisinnaassagaluarpara innuttaasut ilaannut tassa namminerisaminnik illoqalersimasunut aningaasatigut ikiuisinnaannginnissamik periarfissaqanngippat.

Kisianni paasisinnaanngilara ukiorpassuarni innuttaasut ilaannut peqqissorsuugaluarlutik sulinissaminut timimikkut tarnimikkullu akornuteqanngikkaluarlutik sulinngisaannaasattunut sutigit tamatigit aningaasartuutaannut akiliussisarnitsinnut akissaqartuarluta, namminerisaminnik illoqartunut napparsimalersimasunut ikiuussinnaannginnerput. Tamanna naapertuilluannginnertut oqaatigisari-aqarpoq.

Inuiaqatigiinni ilisarnaatigaarput nammaqatigiinneq. Paasinnittaasera uanga malillugu nammaqatigiinneq tassaavoq peqqissut pisinnaasut tamarmik ikioqatigiillutik nammaqatigiinnerat imaangitsoq innuttaasut eqiasuinnerit kisimik nammattuullutik.

Peqqussutit Inatsisillu siusinnerusukkut sananeqarsimasut paasinarsigaangata pissutsinnut kissaatinullu equngassuteqartut periarfissaqartuaannarpugut aaqqinnissaanut. Aqqiisinnaasullu tassatuaarput uagut Inatsisartuni ilaasortaasuugut, taamaattumik suleqatiseraassi matuma ajornartosiutip aaqqinnissaanut. Taamaasilluta innutaasut kikkugaluartulluunniit nappaammik imaasiiallaanaq katsorsarneqarsinnaanngitsumik eqqorneqarsimasut nappaatiminnik aninguiniassaminut sorsunnerini allanik pisariaqanngitsunik nukersorfigisartagaannik oqilisaatissagaluaratsigit.

Ikiuussinnaanissamik una siunnersuut paasineqassaaq napparsimasooq sulisinnaanngikkallarnermi taarsigassarsiaanut ulluinnarnilu tassunga tunngassutilinnut akilersuutaanut pisortat akiliussigallartassasut kingusinnerusukkut pineqartumut inuuniarnikkut artorsaataanngitsumik taarsersugassanngorligit utertinneqartussanik. Pisortat pisariaqartitsisunut taarsigassarsisitsisinnaanerit periarfissatut allatut atorneqarsinnaavoq, taamaaliornikkut atukkat taakku taarsigassanut akiliutigineqarsinnaassallutik. Sulisinnaajunnaarallarneq eqqorneqartut ukiup affa tikillugu sivisussusilimmik sulisinnaanngikkallarnertut paasivara.

Innuttaasut napparsiamasut sumi najugaqarneri piinnarlugit assigiinngisitsisinnaannginnatta isumaluarpunga Inatsiartunit Naalakkersuisinillu taparserneqarumnaartoq taamaasilluta innuttaasut nappaammik eqqorneqarsimatillugit assigiimmik kiffartuussinnaalerniassagatsigit.

Pisorta qarfirmut aningaasaqarnikkut aqutsisoqarnikkullu sunniutit.

Peqqussut allanngortinneqarnerata aningaasatigut kinguneqaatissai oqaatigiuminaaapput. § 37 naapertorlugu ulloq 13. september 2011 Naalakkersuisunut apeqqutiga aqutigalugu (nr. 2011-179) siunnersuutip allaffissornikkut aningaasatigullu kinguneqaatissarisinnaasai paasiniarsimagaluarpakka.

Naalakkersuisunullu ilaasortap Mimi Karlsen-ip apeqqutiga akinngilaa, ullorli 27. september 2011 akissummini inissanut taarsigassarsianut pisortat taarserneqartussanik ikiorsiisinnaanerit pisortat ikiorsiisarnerit pillugu inatsimmi siunertaanngitsoq. Ilisimasatuarput tassaavoq kinaluunniit nappaammik eqqorneqarsinnaammat inissiamik attartortuuneq imaluunniit namminerisamik illuuteqarneq apeqqutaanani.

Qularnaatsorli unaavoq inunnik isumaginninnermi ikiorsiissutit soorunami annertusinissaat, siusinnerusukkut ikorneqarsinnaanngitsut ikiorneqarsinnaalernerit pissutigalugit. Pisortalli qanoq sivistigisumik ikiorsiisinnaanerit piffissakkut killiliivigalugu aqqissuussineq akuersissutigineqarpat, ikiorsiissutigineqartullu taarsersorneqartussanngorlugit, taava siunnersuutip aningaasatigut kinguneqaatissai annikitsuinnaassapput. Innuttat napparsimalersut nammineerlutik

illugisaminnik tigumminiinnarsinnaalernerat inuiaqatigiinnut iluanaarutaassaaq, taamaalillutillu pineqartut inisseqqinneqarnerannut nuunneranullu pisortat karsii aningaasartuuteqassanngillat.

Inuussutissarsiuteqarfimmut il. il. aningaasaqarnikkut sunniutit.

Siunnersuut inuussutissarsiuteqarfimmut il. il. aningaasaqarnikkut sunniuteqassangitsutut naatsorsuutigineqarpoq. Pissutigalugu ikiorsiissutit Pisortat isumagisassammatigit. Suliffeqarfiilli ilaat ajunngisaarutitut sulisuminnut napparsimalernissamut sillimmateqartitsisarput taannalu atorlugu ikiorneqartarlutik.

Innuttaasunut aqutsisoqarfikkut sunniutit.

Siunnersuut innuttaasunut aqutsisoqarfikkut sunniuteqassanngitsutut naatsorsuutigineqarpoq.

Siunnersuummi illutilinnut piginneqatigiilluniluunniit illuuteqartunut pineqartunut nappaammik eqqugaasimasunut iluaqutaaginnassaaq oqilisaataallunilu.